

džu w ličenskich listnach narodnosć konfiskuja. W Budyšinje n. př. bydleše rozsudžity Serb z hišće rozsudźićišim Němcom w tej samej hospodže, a běštaj tam tež hišće dwaj druhaj młódšej Serbaj. Němc wědžeše to tak zwjesć, zo Serb ličenske listno z cyła njewohlada, ze samej přecelnosću „bě jeho hižo do listna zapisať“ a prašany, hač tež jako Serba, wobkrućeše to wuraznje. Serb pak chcyše so tola přeswědčić, dzěše k ličerjej, pohlada do listna, a — nic jeno wón, ale tež taj druhaj Serbaj hospody, tam jako Serbja woznamjenjeni njeběchu!

Štož porjad tohole dzěla nastupa, sym najprjedy nadrobne wobličjenja z ll. 1875, 1880 a 1884 zestajať; na to slěduja starše a nowiše zhromadne wobličjenja, dale přehłady a resultaty samsneho ličjenja z l. 1884 a přirunanja a skónčnje zhromadne wobličjenje *wšěch* (hornjo- a delnjołužiskich) Serbow z l. 1880/84.

I. Nadrobne wobličjenje sakskich Serbow po wosadach a wsach.

Dokelž nadrobne ličby wobydleri jednotliwych serbskich wsow z ll. 1875 a 1880 hišće w žanym serbskim časopisu so wočišćate njejsu, sym je ja ze „Zapiskow kr. saks. stat. bur.“ wupisawši z ličbami mojeho samsneho ličjenja z l. 1884 po wosadach zrjadowať a tu podať, zo by kóždy móhť sam přirunać a spóznać, kak njewěste te officialne ličjenja w nastupanju serbskeje narodnosće su. A hdyž tež je so mi radziť, po móžnosći wěstu ličbu Serbow lěta 1884 z nutřka serbskeho kraja wuslědźić a wobličić, njebě to tola w nastupanju Serbow z wonka serbskeje Łužicy bydlacych mi jako jednotliwcej móžno. Tuž dyrbjach so tu z ličbami ludličjenja 1880 spokojić a je při zhromadnym wobličjenju wšěch sakskich Serbow lěta 1884 sobu wužić. Budže pak drje tutech Serbow, přede wšěm we wójsku, něšto stow wjacy, hač je so jich officialnje naličiť. K tomu sym ja tež najwažniše ličby Serbow njeserbskich městow a wsow ze „Zapiskow kr. s. stat. bur.“ wupisať a na kóncu nadrobnych wobličenjow přidať. Skónčiť sym tutón poddzěl z wobšěrnej, ale z dzěla njedospołnej cyrkwinskej statistiku, kiž móže tež z něčim sobu k wobswětlenju přenišich ličbow słužić.